



Видза оланныд, сиктсаяс!




МИЯН 2014 вося март №1 (36) **КУЛӨМДІН**

Лэдзёны «Кулөмдін» сикт овмөдчөминлөн Сөвет да администрация



Чолөмалам нывбабаяслөн лунөн!



Пыдди пуктана, мича, муса, дона Кулөмдінса аньяс!

Став сьөлөмсянь пöся чолөмалам тiянöс первой тувсов праздникөн - Нывбабаяслөн Ставмуыввса Лунөн!

Тувсовъя ывлавлыыс моз жö ловзыны, мичаммыны, шаньмыны. Юр весьтаныд пыдöстөм, сöстөм енэжсяныыс медым тшöкыдджыка нюмъя-лис да шонтiс тiянöс югыд шондi. Паськыд Эжваыс да помтөм-дортөм озыр на пармаыс мед сетас тiянлы вын да дзоньвидзалун, кыпыд ловшы. Медым сьөлөмсыныд эз куслы радейтөм.

Пыр лоны семья кутысьясөн, öд мянтöг - нывбабаястöг (кыдзи и мужичöйястöг) олөмыд да выль олысьясыд оз вермыны лоны. Семья пытш-кад медым век вöлiнныд медся коланаöсь, некодөн вежны позьтөмөсь. Кевмам öта-мөдöс пыдди пуктөм, гөгөрвоём, кывзысьөм, ыджыд муслун да шуд. Медым медся дона, медся колана, медся шоныд, медся муса да кокни вöлi асланыд семьяыд. Медым видзасны матыс-саясыд, чолөмаласны да лелькуйтасны оз сöмын тайö лунас, а быд лун во гөгөрчöж.

Кевмам ставныдлы крепыд дзоньвидзалун, кузь нэм да бур шуд, китырныд дзоридзьяс, вöльной светсьыс став мичсö да бурсö.

**Кулөмдінса ветерангьяслөн
нимсянь председатель
В.П.Нестеренко**

Дорогие наши женщины!

Поздравляем Вас с Международным Женским Днем!

Это прекрасный праздник любви и доброты. Ведь именно доброта и ласка, забота и щедрость души - те бесценные сокровища, которыми щедро наделены вы, милые наши женщины.

Вы с давних времен являетесь примерными хранительницами семейного очага, дарите самые лучшие чувства своим детям, передаете им вечные духовные ценности, активно участвуете в жизни нашего села, успешно реализуете свои деловые качества. И при этом вы всегда остаетесь самыми красивыми и привлекательными. Вы воплощаете в себе самые чудесные весенние качества: солнечную улыбку, непредсказуемую весеннюю грозу, нежность и свежесть первой листвы.

Хотим искренне сказать вам огромное спасибо за все, что вы делаете. За уют, который вы создаете не только в своих семьях, но и в нашем Усть-Куломе. За великую мудрость и безграничное терпение, за умение сострадать и сочувствовать.

Желаем вам и вашим близким здоровья, радости, удачи. Любите и будьте любимы. Счастья и благополучия вам!

**Совет сельского поселения
"Усть-Кулом" и
Администрация сельского
поселения Усть-Кулом**

Юбилейөн Светлана Петровна Касеваос!



Мича олан туй

Кор кывлі, мый Светлана Петровна Касевалы сетөмаöсь Кулөмдінса пыдди пуктана олысьлысь ним, лоис долыд, мися, депутатгьяс медбөрти донгьялөмаöсь и бур мортöс.

Светлана Петровнаöс төда важысянь, вочаасигөн бурпөт сёрнитам. Чужліс Кулөмдiнын, велөдiс школаын история. Бура төдiс юрсиктлысь сөвмөм, сэтысь лоөмторгьяс, танi олысь йöзöс, сылысь позис юавны-төдмавны быдторсö. Эз кө вермы вочавидзны пыр жö, төдмавлiс да бöрын-джык быть юөртліс.

Коркө районса газетлөн ре-
(Водзö лыддöй 3 лист бокысь)

Обращение к жителям села

Ранее на страницах нашей газеты неоднократно обсуждались вопросы, связанные с благоустройством села и сегодня я вновь хочу вернуться к данной теме, а точнее, к тем проблемам, которые администрации невозможно решить без участия жителей. И к одной из основных я отнесу проблему бродячих собак на улицах нашего села. Хотя такие понятия как "бродячие" или "бездомные" к братьям нашим меньшим применимы в малой степени, т.к. большинство животных, разгуливающих по Усть-Кулому, имеют хозяев. Но благодаря их безответственности мы ежедневно рискуем быть покусанными, особенно это касается наших детей. Были случаи нападения собак прямо в здании Усть-Куломской средней школы. Почтальоны боятся даже пройти мимо некоторых улиц и проездов, не говоря уже о входах на некоторые дворы. Почему хозяева, отпускающие своих псов с привязи, уверены, что они не причинят никому

вреда? Что их родных или близких не постигнет такая участь? А что творится с нашими мусорными контейнерами после посещения их сворой собак? Мусор из них вытаскивается наружу, все разлетается на десятки метров вокруг. Между прочим, существует административная ответственность за ненадлежащее содержание домашних животных. Поэтому обращаюсь ко всем жителям с убедительной просьбой - держите своих собак на привязи, безопасность людей гораздо важнее!

Также достаточно остро стоит проблема выгрузки горбыля, дров возле своих дворов, оставления техники на проезжей части. Это очень сильно осложняет выполнение работ по очистке снега с улиц села подрядными организациями. Дороги в таких местах сужаются, увеличивается вероятность ДТП, в первую очередь под угрозой - пешеходы.

И в завершение напоминаю всем жителям о том, что в апреле и мае в селе состоится традиционный месячник по

уборке своих территорий от мусора. Давайте не остаемся в стороне и общими усилиями в кратчайшие сроки наведем чистоту на улицах и проездах села, на придомовых территориях, в частных дворах. Прошу всех отремонтировать ограды возле домов, произвести их покраску. Ведь двор - это лицо дома! Необходимо с обочин дорог убрать горбыль, дрова, другой крупногабаритный мусор, в противном случае администрация будет вынуждена вывезти его на свалку. Уже традиционно нами будут закуплены большие пакеты для мусора, которые жители смогут забрать в администрации. Собранные в пакеты, мешки, коробки мусор необходимо оставлять на обочинах дорог и проездов, желательнее не вразброс, а по несколько мешков в одном месте. Вывозиться пакеты будут силами администрации. Заранее благодарен всем жителям за понимание!

Руководитель администрации сельского поселения «Усть-Кулом» С.В.Рубан

Редакторлөн кыв



Дона лыддысьысьяс!

Миян газетным зэв ичотик, та вöсна уна материал, кодъясöс вöлі сiöма шко-

лалөн юбилейлы, воддза номерас эз тöр, да ми шуим найöс водзö на йöзöдны. Тайö номерас суйöма С.П.Касева йылысь гижöд, кодi уна во чöж директоралис школаын.

Миян радейтана сиктын зэв уна прамöй йöзыс, кодъяс йылысь эз на ло казътышtlöма "Миян Кулöмдiн" газетын и ми лыддям асьнымöс уджйöзаөн на водзын. Шыöдчам Кулöмдiнса войтыр дорö, мед найö матыстчыласны редакцияса членъяс дорö асланыс ин-

дöмъясöн да чуйдöмъясöн и висьталасны, кодъяс йылысь колö гижны. Сэки ми вермам шымыртны унджык бур йöзöс, кодъяс пуктiсны ыджыд пай сиктлөн сöвмöмлы да петкöдлыны налысь олöм-вылöмсö лыддысьысьяслы.

Ti, тшук, казялiнныд нин, мый ми гижам огö сöмын начальство йылысь, кодъяс и сiдз пыр син водзынöсь, а старайтчам петкöдлыны прöстöй йöзсö, налысь олöм, мырсьöм да тужа-нужасö.

И.Ногиев

(Заводитчөмыс 1 лист бокын)

дакцияын уджалігөн окота лоис аддзысьлыны Светлана Петровнакөд Куломдіннын кирпичысь ыджыд школа кыпөдөмкөд йитөдын. Сійө вөлі буретш школаса директорөн. Сёрнинас эз паськөдчы, а янсөдчигөн шуис: "Эн дөзмы, висьтавысө нинөм йылысь на. Кор пырам выль школаө, сәки ставсө висьтала кокни сьөлөмөн. Өні школа кыпалө на, төдчө ләптысьяслөн зильөм. Отсасьө став Куломдінныс. Предприятиеясын да учреждениеясын уджалысьяс волөны шойччан лунъясө, велөдысьяс да велөдчысьяс петалөны прөст кадө. Найөс и ошкыштөй газетаныд".

Эз гарыштлы, кымынысь ветліс школа кыпөдан мөгъясөн Сыктыварө (сәки эз на вөв асфальта туй, мунөм-локтөмыс вөлі ад кодъ), да узьтөм войяс, кор видзөдіс, мед эз гусявны школа йөрысь кирпич да мукөдтор, уна мукөд майшөг йылысь. Сәк жө век велөдіс, вөчис общественной удж. А.В.Сладкоштиевакөд да Б.М.Юдинкөд бергөдісны ыджыд удж, мед вөссис школалөн музей. А гортас вөлі семья, быдмисны ныла-пия, олісны скөтөн. Гожөмбыд кипомысь заптісны төвбыд кежлө көрым, вөдитісны градыв пуктас.

Куломдінөс бура төдөмысь сійөс корисны "Миян Куломдін" газетлөн редколлегияө. Корсьысис да йөзөдліс кулакалөмъяс йылысь, бур гижөд вөлі А.Е.Рассыхаев йылысь, коді босьтлөма Зимнөй дворец, вөзйис газетө сетавны важ снимокъяс да на пыр кыскыны лыддысьысьясөс газет вөчан уджө.

Олан сямыс вужсянныс. Батыс - Пётр Егорович, Куломдінса, вөлі велөдысьөн, культура юкөнөн веськөдлысьөн. Мамыс - Татьяна Ивановна Болдырева, дзик бокысь, Воронежысь, Комиө веськалөма кулачитөм бать-мамыскөд 30-өд воясө 9 арөсөн. Бать-мам кулом бөрын Чудью спецосёлокысь босьтісны Куломдінса детдомө. Школа помалөм бөрын велөдчис библиотекаро, уджаліс сиктсөветын да райисполкомын. Сьөкыд олөмыс велөдіс сійөс кутчысьны сьөкыдлунъяс венөмөн. Тайө сямыс вуджис и челядыслы. Светлана Петровна шуис, мый мамыс некор эз видлы ёртъясөс гортас вайөдөмысь да гөс-титөдөмысь, көть война кадө асьныс олісны гөлиника. Челябиндыр йывсьыс висьталіс со

мый:

- Вежөрө колис Николай вокөс фронт вылө колльөдөм. Бать эз нин вөв гортын. Николай, лөз дөрөма, качөдліс менө, топөдліс морөс бердас да шуис: "Кывзысь мамыдлысь, локта да юала сылысь". А 1942 воын воис юөр, мый усис.

Война кадө ме ветлі детсадыө. Сійө вөлі образцөвөй школаын (кык судта вөвлөм көкъямыс классаын). Нянь шөрөм вайлім гортысь. Лунтырөн вердісны өтчид, медсясө анькытша шыдөн (анькытшсө быдтіс колхоз), картофель крахмалысь гудралөм кисельөн, юктөдісны чайөн либө йөлөн. Өтчид выль во водзвылын вердісны яя шыдөн да чөскыд көрсьыс муртса эг кольмы. Эз вөв көм ни пась, война воясө мам нинөм ньбөны эз вермыс, көть луннас уджаліс колхозын, а рытнас библиотекаын. Самолөтсаян шыбитлісны ёкмыльяс, сәтысь миян семьялы сетісны меным лөсялана юбка, дзик еджыд, векныдик турунвиж визьяса. Тайө вөлі зэв дона вөччантор. Сәсся вайлісны пөльлы көм, кодөс новлім ставным, көть и вөлі ыджыд. Мам косьтывліс быдсикас турунъяс, пуктывліс кизьөриник шыдө, юктөдліс чайөн. Шулывліс: вөр-ваыслөн выныс пө видзас миянөс.

Гортын вөлі важиник карта. Паськөдлім джодж шөрө да видзөдалім, кыті мунісны немечьяс да миян войскаяс, кутшөм каръяс босьтісны да мездісны. Кывзылім радио, гырысьджыкъяс лыддылысны "Правда" газет.

Тешкодья артмис война вылысь воөм батькөд аддзысьөм, көть казтьылім сійөс быд лун, кевмим, мед бергөдчис ловйөн. Өтчид кодкө таркөдчис. Кильчө өдзөс востьтны котөрті ме, а сәсся повзьөмпырысь өдйө бөр пыри гортө. "Сәні кодкө еджыд юра", - юөрті усьөм лолөн. Петіс пөль да локтыськөд пырисны кутчысьлөмөн. Бөрддзис да воча уськөдчис пөч. Вөлөмкө, сьөкыда доймөм бөрын батьөс госпитальысь ләдзөмаөсь гортө. Юрыс вөлі бинта.

Өти асылө пөль-пөч садьмөдісны водз - радио пыр юөртөмаөсь война кусөм йылысь. Пуксялім ставөн пызан сайө, пөч кисьталіс чай: казтьыштам пө ставнысө, кодъяс вайисны татшөм ыджыд лунсө.

Киө тшөкыда босьтла карточка - снимайтчылім детсадсаяс 1945 во помын. Тайө лунө детсадыын дыр мысти медводдзаысь сувтөдлісны коз, код гөгөр сьылім-йөктім, висьталім кывбуръяс.

Школаө муні мөд онас. Дасьтыси гожөмсянныс, велалі ньөж-йөникөн лыддысьыны. Бать сетіс асьсыс полевөй сумкасө. Сійө вөлі кучикысь, пытшкөсыс кык йөртөда.

Тайө выль вөсө пасйим нин школаын. Баянөн ворсіс вөвлөм миномөтчик С.И.Воробьёв. Война вылысь сійө воис өна доймалөмөн, школаын велөдіс физкультура да военной делө. "Вильног" колхозса председателъ И.Н.Чаланов коз дорын гажөдчөм бөрын гөсцитөдіс чөскыд яя шыдөн да сетіс класслы гөгрөс ид нянь.

Медводдза велөдысьөн вөлі А.С.Журавлёва. Гырысьджык классьясын география урок зэв гөгөрвоана сетіс М.П.Липина, а история - А.М.Сердитова. Ме тайө урокъясө радейті медся өна. "Өзйи" да окота вөлі төдмавны унджык - куті босьтавыны библиотекаысь книгаяс. Школа помалөм бөрын кокниа пыри пединститутө.

Содта ассянь: том велөдысьөс медводз ытісны Керөс школаө, көні история кындзи велөдіс кыв да литература, сәсся веськөдліс Озьягса школаөн. Велөдліс и Куломдіннын 8 класса школаын. Шөр школаө локтіс 1978 воын да уджаліс 37 во, 8 во вөлі директорөн. Став уджалөмыс 44 во. Уна вояс бур уджысь сетісны народнөй просвещениеса отличниклысь пас, уна тшупөдсянь почөтнөй грамотаяс, уджыввса ветеранлысь, Куломдінса пыдди пуктана мортлысь ним.

Пединститут помавлісны и Елена нылыс да Вадим зятъыс. Елена өні веськөдлө районса ЗАГС-өн. Гөрд дипломөн помаліс пединститут и Екатерина Сазанович - Светлана Петровнаөс ыджыд мамөн шуысьыс, да босьтис нин вылыс тшупөда мөд профессия. Внукуыс велөдчө пединститутын 5-өд курсын. Ставныс мунісны мамлөн да ыджыд мамлөн кок туйөд.

"Миян Куломдін" газетлөн редакция нимсянь, тшөтш ассянь чолөмалам С.П.Касаваөс юбилейөн, сиам медводз өн дзонь-видзалун да кузь нэм.

Нина Буткина.

Бур казтылөмъяс

Со и чолөмасим Тулыскөд, кылам нин сылысь ловшысө. Но вежорысь оз на вушйыны кольом төлысьясын вөвлөмторъяс. Медводз Коз дорын Виль Вося гаж. Козыйс таво аслыспөлс мича сулаліс. Вайисны эз вөрись, ыджыд дон вылө Кулөмдін ньобис Москваысь искусственной коз. Челябинь пөттөдзныс нин исласисны Культура Керка дорө пөвъясыс вөчөм чой вывсьянь. Мичаа видзөдчисны өтилайн и модлайн нуюжөдөм гирияндаяс, кодъяс ворсисны уна рөмөн, лымйысь уна-сикас вөчөмторъяс содтисны Виль Вося гажсө. А вөчасисны юркарысь зонъяс. Кольом во вөліны жө вөчөмторъяс, но найөс мыйлакө регыдөн жуглісны, кодъяслөнкө вот кыптөмаөсь киясыс сэтшөм мич вылас! А өд кольом во верстыө йөзкөд уджалісны весиг челядь, д е т с а д ь я с ы с ь дзолукъяс да школаын велөдчысьяс. Көдзыд Пөль, Лымныв да мукөдторъяс мед таво лючки бура сулаласны тувсовъя шондїөн сывдытөдз.

"Василей" гаж, кодөс таво бара нуөдісны Кулөмдінын, позис ви-



В.А.Сенькина йөрданө пыригөн

дзөдны ыджыд телевизор пыр и ывла вылын чукөртчысьяслы. Адззылі тшөтш лымйысь вөчөмторъяс дорын снимайтчысьясөс. "Василей" вылө волісны и роч сикткаръясыс комиөн сылысьяс - Сосногорскысь да Княжпогост районысь.

Культура Керка да вичко дорын кыпыда муніс Рөштво пасйөм. Челябинь котыр веллөлісны керкаысь керкаө Еннога сьылөмөн. Дерт жө, быдлаын налы вичмөдлісны юмов козинъяс. Кежавлісны и миянө, өдзөс восьтытөдз на гөгөрвои сьылөм сертиныс, кодъяс локтоны, а сөсся муртса пласьт эг усь, кор аддзи чужөманыс ляскөм повзөд-

чана маскаясөн сула-лысьясөс. Гөснечтө, дерт, сеті жө, но войдөр кори пөрччыны повзөдчанторнысө - тадзсө, мися, нимкодъжык паныдась-лөмным.

Ва Вежөдан Лунө вичкоын службаысь өтдор вөлі и Эжва вылын праздник. Өти йөрданысь йөз босьтисны вежөдөм ва, а мөд йөрданын сунласисны. Ваө пыралысьясыс воысь во содө - таво матө 500 морт волісны купайтчыны. На лыдын уна нывбаба. Сёрниті Валентина Андреевна Сенькинакөд, коді таво сунлөма дасөдысь. Палаткасыс петіс көмтөг, улыс дөрөм кежысь. Менө сы вылө видзөдөмөн йир-

мөг босьтліс. Быд купайтчысьөс пернапас чөвтөмөн йөрданлань колльөдіс вежа ай Александр.

- Менам пыр вежөй петіс йиа ваын купайтчысьяс вылө, но яндыси сы вөсна, мый медсясө сәні вөліны му-жичөйяс. Дас во сәйын, сәки вөлі нин 53 арөса, бара ләччи ва дорө да аддзи тшөтш купайтчысь нывбаба-ясөс. Сәки и лои йиа ваын ачимөс медвод-дзаысь вежөдөм. Ваө пыртөдзыс дрөж босьтліс полөмсьяс да көдзыдсьяс, а суні да быттгө дэбыд ваө веськалі. Таво со дасөдысь нин суныштлі. Быд купайтчөм водз-вылын ньоба виль сос, өд йиа ваө пыралөмыс зөв төдчана, дзик пыртчөм кодь, - висьталө Валентина Андреевна.

Уна во нин йөрданө пыралөмөн Ва Вежөдан Лун пасйөны Иван Попов, Илья Чаланов, Павел Лютоев да мукөдъяс.

Пөрччысьөм-пасьясьөм вылө палаткаяс быд во сетлөны МЧС-сянь. А югыд би сетө гортсяныс йитчөмөн ЮЭС-са уджалысь Виктор Тарабукин.

Нина Буткина

Сергейлөн турне

Колян гождөм Сергей Егорович Остряков, Кулөмдін Районса Электрической Сетьясысь диспетчер, отпускө петөм бөрын ветліс суйөрсайса турнеө. Со мый сийө висьталіс:

- Путешествуйтнытө ме радейта, Россиятө кытшлалі нин бура

өна. А вот суйөр саяд, не лыддыны кө сийө, мый армияын служиті Венгрияын, эг на вөвлы. Сыктывкарын турагентствоысь ньоби путөвка, мед аслам синмөн видзөдлыны "коварной зарубежсө". Путөвкаыс сулаліс 22 сюрс шайт, а ставсө видзи 35 сюрс. Окота

вөлі видзөдлыны, видласны али оз вербуйтны йөз разведкаө, мед вөчны Россиялы лөк. Водзвыв нин воча-кывсө дасьтылі: "Русо туристо! Облико морале! Ферштейн?"

Москвасянь мунім поездөн. Брестө воим войнас да 8 часөдз виччысим таможня-

лысь вөсьсөм. Таможняын өнасө миянөс эз и шобны, сідз, ылөсас сөмын видзөдалісны. Брестсянь электричкаөн воөдчим Польской границаөдз и дыр сулалім, виччысим. Водзвыв өлөдісны, мед нинөм эгө фотографуруйтөй, та вөсна

(Водзө 5 лист бокын)



Сергей Остряков
Эйфельлөн башня дорын

фотоаппаратъяс видзим багажын. Менъсым польскöй таможенникыс юалис, абу-ö менам багажын сигарет да ещö мыйкö. Ме кöть эг гөгөрво, мый сигарет кындзыс интересуйтö сийöс, но век жö вочавидзи, мый абу. Тшöктис восьтылыны чемоданöс, ме восьти, гудрышти, петкöдлi, мый тяпи да вежан кöлуй кындзи нинöм абу. И менö таможенник лэдзис.

Первойс польскöй карыс Тересполь. Гид водзвыв висьталiс, мед магазинъясын быть чолöмасим, вузасъсыяслы тайö кажитчö. Ми пыр сiдзи и вöчлiм. Магазиныс польскöй кыв вылын лö "склеп", тайö чуймöдiс. Первойс аддзи, мый туалетъясын сулалöны резерватив вузавлан автоматъяс. Пуксьöдiсны автобус вылö, сийö автобуснас сэсся кузяла и новлöдлiсны миянöс турне чöжыс. Воим Варшаваö. Карсö война дырйи ставнас кисьтлöмаöсь да выльысь стрöйтöмаöсь, гидыс шуис, мый сэни видзöдны нинöм. Важся стрöйбаяс абуöсь. Но шөрöдыс кытшлалiм кык час чöж. Менам местаыс автобус помас, а водзас пук-

лöсьясыс прöстöсь. Ме öти сувтланiнын вуджи водзланö да пукси. Водзсяньыд öд лöсьыдджыка тыдалö и фотографируйтны позьö. Водительяс пырисны да ме вылö кутшöмкö чудо вылö моз синъяс сувтöдiсны. Но, ме чеччи да вуджи бöрас, эг кут пинясны накöд. Польшаса деревнясыс меным медся ёна кажитчисны, зэв чистойöсь, мукöд странаыас езджык сьёлöм вылö воны. Карын светофоръяс солнечнöй батарея вылын уджалöны. И, видзöдан да, туй бокъясас уна гектаръяс пасьта солнечнöй батареяас сулалöны, электроэнергия чöжöны.

Польша да Чехия костын границаыс условнöй, сöмын сулалö пас, мый öтарас Польша, а мöдарас Чехия. Чехияын прамöя лоитшыгъявны. Ресторанын сёйны зэв дона, мед неуна нуръясъштынны, муртса кынöмтö пöрйöдлыштны, этша вылö колö листыштны, миян деньга вылö вуджöдöмөн, 400 шайт. Ми старайтчим нёбасьны магазиныс, мыйкö сэни нянь да кефир. Асывнас сёйыштлiм, луннас эс удайтчы. Сёян-юанөн

вузасян магазинъяс оз тыдавны. Ме ёртлы шуа: "Вот öни кö аддза, мый кодкö муно да нянь нуö, мырддя да сёя".

Аддзылi корысьясöс. Найö сулалöны туй бокъясын пидзöс вылас, а тушанас гөрбыльтчöмаöсь муодзыс да мыджсьöмаöсь гыррдза вылас, тадзи вöрзöдчывтöг пукалöны нисьö куйлöны. Чужöмыс пыр мулань видзöдö, оз и лэптывлыны, юр дорас кöрöбка, кытчö кодкö шыбитö, а унджыкыс оз, ыргөн сьöм. Эз кажитчы, кызди США-са том туристъяс - ныв да зон, матыстчылысны корысь дорö. Зонмыс первой чечыштiс морт вомöныс, сэсся бергöдчис да петкöдлiс, быттьö чужыис. Кыкнанныс ёна сералiсны.

Прагаысь петiгөн туй бокас канаваын кузяла шыблалöмаöсь ёг. Воис знак, гижöма: "Rozog". Сы бöрын ёгыс эз нин вöв. Збыль вылас тайö кывыис вöлöма: "Внимание".

Прагасянь мунiм Парижöдз. Парижын узим кык вой. Гостиницаын дыр ковмис разбирайтчыны, абу лöсьыда бронируйтöмаöсь оланiнгъяссö да, час кымын фойеас виччысим.

Гидыс öлöдiс, мед ми гостиницаын эгö юй, эгö шумитöй. Вöлöма сэтшöмтор: миян кодь роч туристъяс номерас войбыд юмаöсь, а орчча номерын немеч узьнысö оз вермы. Терпитас-терпитас, сэсся петас да таркöдчö öдзöсö. Миян роч Иван восьтiс сылы. Немеч интеллигентнöй, рочөн кужö, шуö: "Нель час асывнин! Менам 10 часын симпозиум заводитчö, а тi мешайтаннуд узь-

ны". А Иван сылы: "А тi!? Кор тi июнь 22 лунö 4 час асылын миянöс бомбитiннуд, думайтаннуд, энö мешайтöй узьны?" Немеч сэтчö и тшöкмунис. Талун пö отелын эмöсь жö немечъяс. Ен могысьөн пö кора, тi найöс энö жö вывтi ёна нöйтöй, найö öд война дырйиыд тiянкöд эз воуйтлыны.

Париж кузя дыр новлöдлiсны. Аддзылi Александр III-лысь пос, сийöс вöчöмаöсь дзоньнас Россиялөн сьöм вылö. Тайö Парижын медся мича пос, ни öти пыкöд сылөн абу, сöмын помъяснас мыджсьöма берегъясас, а öтар помас кутшöмкö чудак француз гырысь шыпасъясөн аэрозольнöй краскаөн пызйöма куим букваа роч кыв, но абу "Мир". Видзöдлiм гостиница, кöни овлiсны Изадора Данкан (Айсидора Дункан) да Сергей Есенин, и поэт, кор пинясьлiс любовницаыскöд, скöрысла шыблавлiс öшинь пырыс улöсьяс. Кайлi Монпарнас да Эйфелевöй башняяс вылö, любуйтчышти Парижөн.

Эйфелевöй башнялысь конструкциясö думыштöмаöсь кык студент. Эйфель донтöминика нёбис налысь проектсö, пырöдчис конкурсö да петiс вермысьөн. Тадзи голь студентъяслөн проектыс вичмöдiс сылы ыджыд гонорар да нэмъяс кежлö слава.

Монпарнас башняысь лэччöм бöрын миянöс зэв öдйö вöтöдiс негр и горзiс: "Европешук! Европешук!" Сёронджык гөгөрвоим, мый сийö вöзйö башнялысь сувениръяс и шуалö: "Евро за (Водзö 6 лист бокын)

(Заводитчө 4 лист бокын) пять штук!" Миян группасалы сувениръяс вузавліс и мыш сайсянь дыр на горзіс: "Моска! Братан! Руска мафия!"

Тшөкыда сувтліс проблема туалет кузя. Уличаяс вылын лөсьөдлөма бесплатной автоматической туалетьяс. Матыстчан, инмөдчыштан өдзөсас, и сійө ачыс вощьобергөдчө, прөст кө. Но гид өлөдліс миянөс, мед бурджык сэтчө эгө пырөй, верман йөрмыны. Пытшкөсас стенас эм инструкция, кызди пөльзуйтчыны туалетнас, но гижөма французскойон да Россияса туристыд өдвакө мыйкө сэтысь вермас гөгөрвоны, а сәни ставсө колө вөчны пунктъяс серти, мыйкө кө торкан, өдзөсыс оз вощьсы, көть тэ мый вөч. Өти роч пыралөма туалетас думайтыштөм могысь. Пуксьөм пыдди Россияын моз сувтөма унитаза вылад, сәки датчиклөн фотоэлементыс воштөма сылысь кокъяссө да сетөма сигнал, мый туалетыс прөст. Өдзөс вощис да пырис мичаник французенка, коді өна чуймис сы водзын вощьөм серпас вылад. Ме өтчыд матыстчылі жө, өдзөссө вощьтлі, но пыравны эг лысьт.

Шемөсмөдіс татшөм лөөмтор. Пырим өрткөд туалетө, а мынтысьны нинөмөн, миян картаяс, сьөмным абу. Примитөны жө сьөмөн. Кык вылө колө өти евро. А өртөс өна топөдөма. Петім. Ме матыстчи Москваса кык нывбаба дорө, миян группаын жө вөліны, да кори удж-

дивны өти евро. Но найө пыр жө меланьө мышкөн бергөдчисны. Ковмис вешйыны. И сәки кылам, кызди кодкө миянлы горзө: "Э-эй!" Видзөдлім, локтө детинка да петкөдлө кинас туалет вылө: "Тіянлы колө сэтчө?» Ми гогйөдлам юрөн: "Да". И детинка сетө миянлы өти евро. А ми тапйөдлам киясөн зепъясө, петкөдлам, мый нинөм миян абу. А сійө өвтыштис кинас, нинөм пө оз ков, и котөртис водзө.

Первой луннас автобусөн новлөдлісны новлөдлісны, а сәсса кызд заводитисны гөгрөдлыны, гөгралам гөгралам, а водзө ни бөрө огө воёй. Вөлөмкө, шофөръясыс вошөмаөсь, көть и регистратор кузя новлөдлісны. Но и сералыштім на вылын. А мөд луннас полякъясыд тайө сералөмсьыд водзөс бощьтисны. Автобуснас матыстчөмаөсь дзык мөдлаө да Эйфелевой башня дорын сулөдісны миянөс час чөж. Абуөсь и абуөсь. Гид унаысь звөнитліс, найө вочавидзөны, мый виччысьөны сәни, кытчө сёрнитчылім. А вөлөмаөсь дзык мөдлаын, миянсянь километрадзын ылнаын.

Парижын зэв уна котралысь йөзыс. И өткөн котралөны, и чукөрөн. Велосипедной дорожкаяс быдлаын. Елисейской Полеяс вылысь, көні вөйдөр вөлөмаөсь картофель муяс, а өні кар, код юра негрөс аддзылі, нель кокөн сулалө пу дорын да вощө, прөйдитім сы дорті да миян сьөрысь сідзи на

и коли. Зэв уна сьөд йөзыс, пөшти дзынйыс. Машинаяс ставыс компактнойөсь, джипъясыд зэв гежөдөсь, өти, буракө, син пыр и мунліс. Бензиныс миян серти вывті дона да ичөтик экономичной машинасьсөн журъялөны.

Наполеонлысь дзебөминсө аддзылі. Сійө куліс Святөй Еленалөн ді вылын, но кык во мысти шойсө гусыс кыпөдісны да вуджөдісны Парижө. Мый интереснө, кык вонас шойыс ньөти абу тшыксьөма, та вөсна сетисны сылы святөй ним. Куйлө өні сизим пөвста гортйын.

Парижсянь мунім Берлинө. Сәни война бөрад ставсө выльысь жө стрөитисны да видзөднысө, позьө шуны, нинөм. Берлинской Стенасө дзоньнас серпасалөма. Рисуйтөмаөсь весиг, кызди Брежнев окасьө Эрих Хонекеркөд. Рытывыв Берлинті кытшалаім жө. Миянөс өлөдісны, мый немечьяслөн гөгөр пөрадок, куритчыны уличаяс вылын оз позь, штрапуйтөны, но збыль вылас сідз жө йөзыс ветлөны да шпуткөны, эг аддзыв, мед кодөскө сувтөдісны да накажитисны. И подаяс уличаяс вомөн вуджөны, кыті веськалө, пода вуджанинъяс оз корсьны, нарушайтөны, коді кызди сөмын вермө. Уналаысь аддзывлі и шыблалөм лөп-өг.

Вөлім Рейхстаг дорө. Гөгөрыс сувтөдөма потшөс и дежуритөны полицейскойяс. Ме матыстчи на дорө да чистой немецкойон шыаси: "Хенде хох!

Гитлер капут!" Та вылын менам төдөмлунъясөй помасисны да рочөн юалі: "Позьө матыстчывыны Рейхстаг дорас?" Найө довкйөдлөны юрананыс: "Нихт! Цурюк!" Сідз эз и лэдзны. Бөрыннас гид висьталіс: "Водзті потшөсыс эз вөв, ветлісны ставыс, коді көсийс. Но коркө өти турист, дерт, көнкө, швед, кайис Рейхстаг вылас да өшөдіс гөрдфлаг. Сы бөрын гөгөрыс потшисны да өні некодөс оз сибөдны".

Паныдасьлім рөчкөд, олө сәни, пукалө туалетын да вузавлө пыралысьясылы билетьяс. Миян нывбаба сёрниө пырөдчис: "Мыйла тэ тані олан?" "А менам тані квартира, машина, дача". "И миян Россияын квартира, машина, дача". "А менам зарплата". "И миян зарплата". "А меным тані кажитчөджык". "Но и пукав аслад туалетад!"


Германияын уна электроэнергия пөлучайтөны солнечной батареяясянь да төлөн бергөдлан генераторьясянь.

Нель государствоын вөлі, но некөн сідз эз и видлыны менө вербуйтны, а жаль. Колө кө, кык пөвста агентөн верми лоны.

Россияө бөр лөктім да нарөсьнө кутшөмсюрө ресторанъясө пыралі, мед донъяссө видзөдлыны. Миян сөян-юаныд өна донтөмджык Европаса сертиыд.

Дерт, мича местаяс аддзылі, но миян Коми Муысь мусаджык да гажаджыкыс абу.

Иван Ногиев.



Лыддысям нимкодя

Челядь шөр библиотекалөн лист бок

Водзмөстчөм

Дона ёрт!

Челядьлөн шөр библиотека корё енбиа челядьёс небөгкөд төдмөдан лыддысян мастерскөйё. Аддзысьлөмъяс нуодам кыкысь вежоннас. Библиотекалөн адрес: Советскөй улича, 44 керка. Тел: 93-2-02.

Гижоны енбиа челядь

Мария Юшкова чужис



Кужйын 1996 вося сентябр 22 луно. Велөдчө Кулөмдинса шөр школаын 11-өд классын. Петкөдчө районса

да республикаса конкурсыясын да олимпиадаясын, петавлө вермысыяс лыдө. Школа помалөм бөрын көсйө мунны велөдчөны филология юкөнө. Гижө мича кывбурьяс.

КОТЫР

Котыр - кор өтлаын ті Дасьёсь быд сьёкыдтор венны, Кор матысса нюзодас ки, И сэки ставсө тэ верман.

Котыр - сьёкыд тэд кор Аддзыны доналысь синва, Кор сылөн сьёлөмас дой Тшөтш тэнад морөсад инмө.

Котыр - кор лоан тэ рад Бать-мамлы отсасыны пыр. Котыр - кор эм тіян кад Шойчигмоз сёйны шашлык.

Котыр - кор гожөмнас ті Шойчанныд Сьод саридз дорын, Либө кор ветланныд ті Мөд сиктө рөдвужьяс ордө.

Котыр - кор сулалө коз Кор ставөн тыр пызан сайын Виччысям гажа Виль во, Ёртьяслы козиньяс ваям.

Котырыд - зэв ыджыд шуд! Öткөн өд шудсө он аддзы. Сэк сөмын сьёлөмад бур, Котырын олан кө тадзи!

Чолөм, виль небөг!

Дона лыддысьысь, юортам: челядьлы библиотекаын воссис ыджыд выставка-козин. "Козинөн", дерт жө, лоисны унасыкас виль небөгьяс. Медводдзаысь на мича кышөда, уна рөма серпаса кыксё сайё небөг виччысьоны тіянөс выставка вылын.

Волөй, муса дзюлюк да дона бать-мам, бөрийөй колана небөг, лыддысьөй нимкодя!



Тона, Соль да мукөд шондіа геройяс

Лыддыны небөг да петкөдчыны радейтана геройясөн бура вермисны нывкаяс да зонкаяс кыпыд гаж вылын. Ставлы воис сьёлөм выланыс Аурика Селезнёвалөн йөктөм. Сійө ворсис мойдса дзирдалысь Соль нима нывкаөн. Наталья Кузнецова төдмөдіс Норвегияса Тонялөн кыпыдлунон да радпырысь корис ас дорас гөститны. Георгий Озолинлы сьёлөм вылас воис Антон Чеховлөн "Каштанка" висьт. Сійө бура петкөдчис сюся да шань Каштанкаөн.



Чолөмалам тшупöда пас вуджөмөн

| | | |
|---------------------------------------|---|--------------------------------------|
| Владимир Иванович Пивкинöс | Валентина Александровна Рассыхаеваöс | Лидия Владимировна Алексееваöс |
| Жанна Михайловна Эллиöс | Наталья Владимировна Тимушеваöс | Николай Александрович Латкинöс |
| Наталья Брониславовна Турышеваöс | Алексей Альбертович Липинöс | Людмила Васильевна Латкинаöс |
| Зинаида Николаевна Шебыреваöс | Валентина Вячеславовна Зезеговаöс | Николай Иванович Липинöс |
| Эльвира Владимировна Фастöс | Мария Николаевна Тюрнинаöс | Евгений Михайлович Гудыревöс |
| Светлана Васильевна Вяткинаöс | Елена Николаевна Поповаöс | Валерий Пантелеймонович Лодыгинöс |
| Елена Николаевна Мишаринаöс | Валерий Васильевич Королёвöс | Татьяна Фёдоровна Стороженкоöс |
| Нина Михайловна Нестероваöс | Валентина Ивановна Субочöс | Ирина Анатольевна Соколоваöс |
| Алексей Васильевич Шапоровöс | Людмила Александровна Остряковаöс | Нина Александровна Новосёловаöс |
| Владимир Валерьянович Садовщиковöс | Валентина Ивановна Напалковаöс | Сергей Михайлович Фёдоровöс |
| Александр Ильич Потаповöс | Лидия Ивановна Чалановаöс | Александр Иванович Нестеровöс |
| Зинаида Степановна Потаповаöс | Иван Николаевич Липинöс | Татьяна Ивановна Нестероваöс |
| Александра Васильевна Ильясоваöс | Николай Васильевич Липинöс | Иван Георгиевич Мишаринöс |
| Иван Ахабиевич Зайковöс | Нина Ивановна Котоваöс | Клавдия Александровна Мизеваöс |
| Сергей Альбертович Касевöс | Вера Васильевна Рассыхаеваöс | Людмила Павловна Локтеваöс |
| Галина Альбертовна Касеваöс | Владимир Петрович Липинöс | Анна Андреевна Логиноваöс |
| Сергей Александрович Липинöс | Элита Егоровна Погуляеваöс | Алексей Васильевич Рассыхаевöс |
| Валентина Владимировна Чалановаöс | Анна Александровна Мамонтоваöс | Альбина Семёновна Морохинаöс |
| Нина Анатольевна Симпелеваöс | Мария Деомидовна Рассыхаеваöс | Анна Алексеевна Остриковскаяöс |
| Ольга Ивановна Кипрушеваöс | Александр Николаевич Иевлевöс | Нина Алексеевна Старостинаöс |
| Василий Иванович Чалановöс | Татьяна Ивановна Ефремоваöс | Валентина Алексеевна Кочановаöс |
| Тамара Николаевна Нестероваöс | Иван Николаевич Нестеровöс | Луиза Ивановна Мишаринаöс |
| Таисия Николаевна Балобановаöс | Николай Дмитриевич Шебыревöс | Анна Михайловна Шаховаöс |
| Светлана Васильевна Липинаöс | Анна Михайловна Липинаöс | Галина Алексеевна Тарабукинаöс |
| Сергей Александрович Русиновöс | Василий Николаевич Мингалёвöс | Нина Васильевна Турьеваöс |
| | Олимпия Гендриховна Ульньороваöс | Галина Афанасьевна Беловаöс |

**Сиам крепид дзоньвидзалун,
ыджыд шуд да кузь нэм!**

Лыгдун? Аттьö! Сет төдсаыгды!

